



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1148/10
Sarajevo, 21.9.2010. godine

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 133. sjednici održanoj 14.9.2010. godine, utvrdilo je Odgovor na zastupničko pitanje koje je postavio gosp. Adem Huskić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša

01/a - 50-1

22-09-2010
[Signature]

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22-09-2010			
Organizaciona jedinica	Klasifikaciona oznaka	Redni broj	Broj priloga
01-50-1-15-24/10			



**BOSNA I HERCEGOVINA
VIJEĆE MINISTARA**

Broj: 05-50-1-1148/10
Sarajevo, 14.9.2010. godine

Adem Huskić, poslanik u Predstavničkom domu Parlamentarne Skupštine Bosne i Hercegovine, na 74. sjednici održanoj 24. marta 2010. godine, postavio je sljedeće poslaničko pitanje:

" Koje međunarodne sporazume, koji su ratificirani od strane Bosne i Hercegovine, nije ratificirala druga zemlja potpisnica?"

Na postavljeno pitanje, Vijeće ministara Bosne i Hercegovine je na 133. sjednici održanoj 14. 9. 2010. godine, utvrdilo sljedeći

ODGOVOR

Ministarstvo vanjskih poslova Bosne i Hercegovine razmotrilo je pitanje uvaženog poslanika Adema Huskića i želi informisati da se postupak ratifikacije međunarodnih sporazuma znatno razlikuje po pojedinim zemljama. Dužina postupka ratifikacije, zavisno od zemlje, može da traje i više godina.

Ministarstvo vanjskih poslova je nadležno da vrši razmjenu notu kojom se dvije strane uzajamno obavještavaju o završenoj ratifikaciji. MVP BiH odmah po objavljivanju Odluke Predsjedništva BiH o ratifikaciji, obavlja notifikaciju drugoj strani. Vrlo često se dešava da prođe po nekoliko mjeseci prije nego druga strana dostavi obavijest o izvršenoj ratifikaciji. Također ima i situacija da druga strana mnogo prije BiH ratifikuje sporazum.

Obzirom da ne postoje propisani rokova nakon potpisivanja međunarodnog sporazuma, MVP šalje upit drugoj strani tek nakon isteka razumnog roka u kojem nismo dobili nikakvu informaciju da li je sporazum ratifikovan.

U MVP-a BiH se trenutno obavlja unos podataka u novu elektronsku bazu podataka iz koje će se moći praviti i analize tražene postavljenim pitanjem. U međuvremenu, MVP moli uvaženog poslanika Adema Huskića da navede konkretne sporazume koji ga interesuju.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1148/10
Sarajevo, 25.5.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	26.05.2010	Broj	
Organizaciona jedinica	Klasifikaciona oznaka	Broj	110
01-50-1-15-29			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje

Vijeće ministara Bosne i Hercegovine je na 121. sjednici održanoj 20.5.2010. godine, utvrdilo odgovor na zastupničko pitanje koje je gosp. Adem Huskić, zastupnik u Zastupničkom domu Parlamentarne skupštine Bosne i Hercegovine, postavio na 74. sjednici ovog doma održanoj 24.3.2010. godine.

U pravitku prosljeđujemo odgovor radi njegovog dostavljanja gosp. Ademu Huskiću.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1148-1/10
Sarajevo, 20.5.2010. godine

G-din Adem Huskić, zastupnik u Zastupničkom domu Parlamentarne skupštine Bosne i Hercegovine, na 74. sjednici Zastupničkog doma, održanoj 24. ožujka 2010. godine, postavio je slijedeće zastupničko pitanje:

« Kada će biti upućen u parlamentarnu proceduru Zakon o Agenciji za informatičko društvo i Zakon o državnoj pomoći, budući da su ovi zakoni između ostalog bezani za proces evropskih integracija? »

Na postavljeno pitanje, Vijeće ministara Bosne i Hercegovine, na 124. sjednici održanoj 20.5.2010. godine, utvrdilo je slijedeći

ODGOVOR

Ministarstvo komunikacija i prometa Bosne i Hercegovine je u mogućnosti da odgovori na samo prvi dio pitanja.

Ministar komunikacija i prometa je donio Odluku o formiranju Radne grupe čiji je zadatak da izradi Prednacrt Zakona o Agenciji za razvoj informacijskog društva u BiH. Članovi ove radne grupe su delegirani iz slijedećih institucija i nevladinih organizacija:

- Ministarstvo komunikacija i prometa BiH
- Kabinet Predsjedavajućeg Vijeća ministara BiH
- Ministarstvo prometa i komunikacija Federacije BiH
- Ministarstvo nauke i tehnologije RS
- Predstavnik Direkcije za Evropske integracije
- Predstavnik Delegacije BiH pri Europskoj uniji
- Rektorski zbor/konferencija BiH
- Asocijacija za informacione tehnologije – BAIT
- Bosanskohercegovačko udruženje za informacijske tehnologije – BHITS

Prvi sastanak radne grupe planiran je za prvu polovinu svibnja 2010. godine. Kada radna grupa izradi prednacrt, zakon će biti upućen u redovnu parlamentarnu proceduru.

01/50-1-1148-1

22-9-2010



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1148/10
Sarajevo, 22.9.2010. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23. 9. 2010.

Organizaciona jedinica	Klasifikaciona oznaka	Redni broj	Broj priloga
01	50-1-15	74	10
01	50-1-15	81	10

PARLAMENTARNA SKUPŠTINA BiH

- Zastupnički dom -


SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 133. sjednici održanoj 14.9.2010. godine, utvrdilo je Odgovor na zastupnička pitanja koja je postavio gosp. Adem Huskić, zastupnik u Zastupničkom domu Parlamentarne skupštine Bosne i Hercegovine.

U prilogu dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA
VIJEĆE MINISTARA

Broj: 05-50-1148/10
Sarajevo, 14.9.2010. godine

Adem Huskić, poslanik u Predstavničkom domu Parlamentarne skupštine Bosne i Hercegovine, na 74. sjednici Predstavničkog doma održanoj 24.3.2010.godine, postavio je sljedeće poslaničko pitanje:

„Kada će biti upućen u parlamentarnu proceduru Zakon o agenciji za informatičko društvo i Zakon o državnoj pomoći, budući da su ovi zakona između ostalog vezani za proces evropskih integracija“.

Takođe, isti poslanik je na 81. sjednici Predstavničkog doma održanoj 14.07.2010.godine, postavio sljedeće poslaničko pitanje:

„Kada će u Parlamentarnu proceduru biti upućen Zakon o državnoj pomoći“?

Na postavljena poslanička pitanje, Savjet ministara Bosne i Hercegovine je na 133. sjednici održanoj 17.9. 2010. godine, utvrdio sljedeći

ODGOVOR

Kada su u pitanju međunarodne obaveze BiH koje se odnose na izgradnju zakonodavnog i institucionalnog okvira za sistem državne pomoći, najbitnija je obaveza koja proizilazi iz člana 71. Sporazuma o stabilizaciji i pridruživanju između Evropske zajednice i njezinih država članica, sa jedne strane, i Bosne i Hercegovine, sa druge strane, gdje se uvode obaveze BiH po pitanju državne pomoći.

Najvažnije odredbe člana 71. su sljedeće:

- a) **Stav.1.tačka c.:** „svaka državna pomoć kojom se narušava ili prijeti narušavanje konkurencije davanjem prednosti određenim preduzećima ili određenim proizvodima“.
- b) **Stav 4.:** „Bosna i Hercegovina će osnovati samostalno operativno tijelo, kojom će povjeriti ovlasti neophodne za punu primjenu stava 1. (c) ovog člana u roku od dvije godine od dana stupanja na snagu ovog Sporazuma. To tijelo će, *inter alia*, imati ovlast da odobrava program državne pomoći i pojedinačna sredstva pomoći u skladu sa stavom 2. ovog člana, kao i ovlast da određuje povrat državne pomoći koja je nezakonito dodjeljena“.

Takođe, članom 21. CEFTA sporazuma, koji se odnosi na državnu pomoć, ističe se da je svaka pomoć odobrena iz državnih izvora, koja narušava konkurenciju, dajući prednost određenim robama, a da to može uticati na trgovinu između Strana u sporazumu, u suprotnosti sa pravilima funkcionisanja CEFTA sporazuma.

S druge strane, glavni argument za bosanskohercegovačku politiku državne pomoći i regulatorni sistem je da se osigura:

1. promocija fer konkurencije i slobodne trgovine;
2. kontrola državne pomoći nije prijetnja ekonomskim politikama ili pojedinačnim šemama državne pomoći;
3. osigurati da novac iz državnog budžeta (misli se na sve nivoe budžeta, od opštinskog do državnog) i nemonetarne pogodnosti ne budu bespotrebno iskorištene;
4. privlačenje direktnih stranih ulaganja.

Kada je u pitanju proces izrade prijedloga Zakona o sistemu državne pomoći u BiH, Programom rada Savjeta ministara BiH i Ministarstva spoljne trgovine i ekonomskih odnosa BiH za 2010.godinu, ali i programima rada prethodnih godina, planirana je izrada prijedloga ovog Zakona.

Rješenjem broj: 07-34-10723/06 od 06.09.2006. godine ministar spoljne trgovine i ekonomskih odnosa BiH je imenovao Radnu grupu za izradu Nacrta zakona o sistemu državne pomoći u Bosni i Hercegovini. Sastav radne grupe je dopunjen i rok za završetak aktivnosti produžen Rješenjem br. 07-34-11749/06 od 08.11.2006.g. koje je izmjenjeno Rješenjem br. 07-34-11749-5/06 od 27.09.2007.g. i Rješenjem br. 07-34-11749-6/06 od 20.05.2008.g. Radnu grupu su činili predstavnici: Ministarstva vanjske trgovine i ekonomskih odnosa BiH, Direkcije za evropske integracije, Konkurencijskog vijeća BiH, Ministarstva pravde BiH, Ministarstva finansija i trezora BiH, Federalnog ministarstva finansija, Federalnog ministarstva energije, rudarstva i industrije, Ministarstva za ekonomske odnose i koordinaciju RS i Ministarstva finansija RS. Radna grupa je održala 16. sjednica.

Radna grupa je tokom svog rada izradila nacrt Zakona o sistemu državne pomoći u BiH, čija je suština bila da se ovlasti nezavisnog operativnog tijela za kontrolu državne pomoći u BiH daju Konkurentskom savjetu BiH.

Međutim, oko sadržaja nacrta Zakona o sistemu državne pomoći u BiH, kao i oko pozicije Konkurentskog savjeta BiH kao nezavisnog operativnog tijela za kontrolu državne pomoći u BiH, nije postojala puna saglasnost svih članova Radne grupe, te kao takav, nacrt Zakona, nije mogao dobiti podršku u toku dalje procedure usvajanja.

Ministarstvo spoljne trgovine i ekonomskih odnosa BiH, je izvršilo korekcije na dostavljenom nacrtu Zakona, te je nakon konsultacija sa nadležnim ministarstvom finansija u BiH (entitetskim i državnim), mišljenja da ovakav nacrt Zakona o sistemu državne pomoći u BiH može dobiti pozitivno mišljenje svih nadležnih institucija u BiH.

Nacrt Zakona o sistemu državne pomoći u BiH, kojim se predviđa formiranje Savjeta BiH za odobravanje državne pomoći kao nezavisnog operativnog tijela i jasna uloga svih nadležnih organa (Savjet ministara BiH, Vlada Federacije BiH, Vlada Republike Srpske i Vlada Brčko distrikta BiH) u provođenju zakona i izgradnji sistema prijavljivanja, odobravanja, kontrole i izvještavanja o državnoj pomoći u BiH, je 28.07.2010.godine, upućen na mišljenje entitetskim vladama i vladi Brčko distrikta BiH, kao i nadležnim entitetskim ministarstvima finansija.

Nakon dobijanja mišljenja i eventualnih primjedbi i komentara, nacrt Zakona će biti upućen u proceduru dobijanja potrebnih mišljenja od strane državnih institucija, a u skladu sa Poslovnikom o radu Savjeta ministara BiH, kako bi, nakon toga, kao prijedlog Zakona o sistemu državne pomoći u BiH bio upućen na usvajanje Savjetu ministara BiH, i nakon toga, u parlamentarnu proceduru.

I na kraju, medijske špekulacije i navodi da je BiH izgubila pola milijarde maraka pomoći zbog neusvajanja ovog Zakona su apsolutno neistinite i netačne, jer ne postoji nijedan program pomoći Evropske unije koji se veže za oblast državne pomoći, niti bilo koji drugi program pomoći Evropske unije koji ima iznos od pola milijarde maraka namjenjenih BiH, osim IPA-e (Instrument predpristupne pomoći, eng. *Instrument for Pre - Accession Assistance*).

Činjenica koja govori u prilog tome je da BiH kao zemlja potencijalni kandidat za ulazak u EU im pristup IPA komponenti I (pomoć u tranziciji i jačanju institucija) i komponenti II (prekogranična saradnja), u kojima sredstva predviđena za BiH za period od 2007 - 2010. godine iznose 332 miliona evra u ukupnom iznosu, dok će sticanjem kandidatskog statusa BiH dobiti priliku da koristi sredstva IPA komponenti: III (regionalni razvoj), IV (ljudski resursi) i V (ruralni razvoj).